

## Memoria

Friderici III. Imperatoris, Ottonis, &  
Alberti Austriae Ducum, Germanorum ex Al-  
berto I. Fratrum, Rudolphi I. Victoriosi, Aug. Nepo-  
tum, Basilicae Caesareae S. Augustini Gloriosiss.  
Fundatorum.

Posterii!

Perfectam Optimorum Principum effigiem  
Trinam, & perfectam in Fratrum Triade  
aspicite!

Eos *Albertus I. Austr. Rom. Imp. Rudolphi F.*  
Orbo propè bonorum orbi, & per civilia diffidia tantum  
non discisso

Ex *Elisabetha Carinth. Ducis F.* dedit,  
Magnae Sobolis, Magnus Genitor,  
Maximus,

Nisi liberorum haec Trias, virtute magnitudinem æquasset;  
Adèd similes semper in hac gente  
Succedunt similibus,  
Nullus præcellit, nullus præcellitur  
Omnes Summi sunt.

Priorem de Fratibus *Fridericum* mundus excepit,  
Ejus olim humeris excipiendus,

Primam, quam concessit auram, ut spiraret,  
Ab eodem olim Principe recepit, quâ respiraret;  
Præfagum illi à pace nomen  
Nunquam omine secutô,

Pacis amicissimus, at semper expers;  
Pulchri agnomen os liberale, vultus honestas conciliârunt;  
Sed nec hîc pulchritudo stetit;

Pulchra solum domus spectabatur, pulchrioris inquilinae,  
Dignum animo corpus, dignus corpore animus.

Nec tenerè suam hanc habuit pulchritudinem,  
Sudore, hostili sanguine, Martiô pulvere; pigmentorum,  
Purpurissæ, cretæque locò usus est;

Heroem Patrem, Heros Filius, fulminantem Aquilam  
Generosa Soboles à puero secutus



Ferrum pro crepundiis habuit,  
Donec

Jam major, suis auspiciis, bella, & victorias auspicaretur;  
Sæpè Victor, quandòque victus

Non animò, non æquitate causæ, sed quòd non æquo  
exercitu congrederetur,

Victurus semper, si pares sibi commilitones habuisset,  
Semel,

Cùm bono Eventui, per sociorum ignaviam, non posset  
Suæ fortitudini

L. hostibus, ceu totidem hostiis manu propriâ litavit.  
Utrâque fortunâ clarus,

Seu levis illuderet, seu gravis incumberet,  
Impavidus, cùm nutarent omnia, non trepidus cùm omnia  
trepidarent,

Tulit & Fecit \*

\* Hor. de  
arte Poët.

Cùm faciendum gloriosi nihil jam superesset,  
Spectaculo fuit Ejus Virtus, fortiter ferentis,  
Cùm maxima quæque ageret, quantus esset ignarus  
Ex eorum, quæ tulit, pondere, suam sensit magnitudinem.

Imperium, simul & æmulum nactus, \*  
Ut palam sit, quàm semper Magnis æmulatio succedat.  
Dignissimus Soliò Princeps, felicissimus,  
Si solus.

\* Ludovic.  
Bavar.

Altitudinem suam subditorum commodis mensus est,  
Purpuram monitricem habuit;  
Ne quid unquam rubore dignum admitteret,  
Gnomam secutus suam:

Quam, utinam! sequantur, qui regunt, qui reguntur;  
*Quod pudet palam, clam ne facito.*

Pietatem præ primis, quia Austriacus  
Cynosuram habuit,

Gnarus; teres Sceptrum facilè elabi, nì hoc firmetur,  
Et, fatuos esse coronæ splendores,  
Qui virtute non radiant.

Basilicas complures basilicè excitavit, dotavit, ditavit,  
Has inter



*Augustum* Templum, *Augustino Augustus* ex voto  
 Struendum MCCCXXX. jactis  
 Fundamentis designavit,  
 Et confecturus erat, nisi properò fatò Ann. eod. con-  
 fectus esset;  
 Mori inter bella fuetus, necem finè horroris sensu  
 Tranquillissimus excepit,  
 Id affecutus, quod vivens optaverat:  
 \* Fugg. in Spec. hon. *Summum hominis bonum, bonum ex hac vita exitum\**  
*Filias ex Elisabetha Jacobi Reg. Arrag. F. Annam,*  
*Et Elisabetham*  
*Filiùmque sibi cognominem suscepit;*  
 Illas Nuptialibus M. M. Principum tædis fatum serva-  
 vit, hunc mortuali pyræ intulit,  
 terris tantummodò ostensum,  
 Propaginis locò Exempla bene factorum  
 Suorum solatio *Ottonem, & Albertum* Germanos,  
 hæredes reliquit;  
 Verè Germanos  
 Seu Majores, seu Patriam, seu Germanam virtutem spectes.  
 Quanti hi Principes!  
*Ottonem mirabilem* dixêre, *Albertum sapientem, simul*  
 & *contractum\**  
 An idèd ut præsentiret orbis,  
 Grandium gestorum *mirabilia*, & suffecturam mundo  
 regendo *Sapientiam*  
 In *Aufriadum* Domum esse *contracta*.  
 Ostendêre id *Otto & Albertus,*  
 Ille subditos Religione, legibus, bonis florentes Anno  
 MCCCXXXIX.  
 Moriturus reliquit; Hic servavit,  
 Manibus, pedibùsque captus, laxiore tantò, & capa-  
 cione mente;  
 Amori civibus, hosti terrori fuit,  
 Vel illud Imperatorium effatum comprobans:  
*Caput imperare non pedes.*  
 Hic ille est, alter *Aufriacæ* Domûs Conditor, qui de  
 sex Fratibus unus,



Sobolem reliquit *Austria*, mundo Principes.  
Vitæ sator septuagenario major M CCC LVIII, extin-  
guitur,

Erravi: avellitur

Non extinguuntur, qui desiderantur extincti.

Immortales Principes,

Qui memoriam sui non ferrô, aut chalybe, quia toti in  
subsidiorum vota cerei,

Sed rerum gestarum gloria, & affini cælo stemmate

Austriacâ propagine, quæ *adhuc stat* \* & *stabit*

In orbe ultima \* signavêre.

*Stat adhuc P. P. Optimi!*

à vobis structa *Augustiniana Ecclesia*, Pietatis, & memo-  
riæ vestræ trophæum

Austriacô fulta præsidio, vallata gratiis, protecta patrociniis,

Et *stabit* ultra

*Eternæ Domui* contigua, & acclinis.

Cordi certè est Austriadum Principibus, & fuit,

Quorum à funere *Corda*

Non alibi, ac hîc reperias.

\* Symbol.  
Friderici  
Pulchri.  
\* Symbol.  
Frid. IV.



*Ordo S. Augustini, arctius ejus Ordinis  
institutum, ejusdem Progressus, Primi Re-  
formationis Patres.*

**R**iusquam de introductione Augustinianæ Discalceatæ  
Religionis, in hanc, de qua agimus, Cæsaream Basilicam  
quid dicamus, operæ pretium duximus, de ipso S. Au-  
gustini Ordine, ejusdemque reformatione, paucula, &  
per compendium præfari. Quo authore cœperit, nomen ip-  
sum Augustinianum prodit, quod cum vivendi canonibus ab Au-  
gustino præscriptis cœvum, & tradux habet. Summum hunc  
Virum Annus Christi CCCLIV. orbi dedit, idem prorsus, quô  
Britannus ille coluber, & inimicus gratiæ Pelagius, quam infectu-  
rus erat, lucem aspexit. Patriam Tagasten Africæ municipium,  
Parentes Patricium, & Monicam habuit, hæc Filio ad omnem  
virtutem exemplar, lachrymis, cum verbis non posset cor in hæ-  
refes diversas lapsi expugnavit. Manetis primùm dogmata secu-